



Nivi Rosing
Inatsisartunut ilaasortaq, Inuit Ataqaṭigiit

**Nunavut aamma Kalaallit Nunaata siunnerfeqaqatigiinnissamut
isumaqatigiissutaat pillugu § 37 naapertorlugu apeqqummut nr. 202/2025-mut
akissuteqaat**

11-12-2025
Suliap normua. 2025 - 9824
All. nr. 26026901

Postboks 1029
3900 Nuuk
Oqarasuaat: +299 34 50 00
Email: iktin@nanoq.gl
www.nanoq.gl

Asasara Nivi Rosing

Inatsisartut suleriaasiat naapertorlugu saqqummiussannut apeqqummut qujanaq.
Tullinnguuttuni taakku akissuteqarfigissavakka.

***Apeqquṭ 1: Nunavut aamma Kalaallit Nunaata siunnerfeqaqatigiinnissamut
isumaqatigiissutaani ?“Memorandum of Understanding” 2022-minngaanneersumi
ilinniartitaaneq suleqatigiissutissaasutut ilaavoq, sunaana
isumaqatigiissutigineqartoq?***

Akissut: Isumaqatigiissummi pineqarpoq "...to further strengthen corporation regarding education to customize education opportunities to the lives and societies of the Inuit as well as the Arctic region". Tamanna nutserneqarsinnaavoq tulluuttut "...ilinniartitaanernut tunngasuni, ilinniarnissamut periarfissat inuit inuunerannut inuiaqatigiittullu ilusilersorneqarnerannut kiisalu nunap immikkoortuanut issittumut naleqqussarniarnerat pillugu suleqatigiinnermik sulī annertusaanissaq".

Apeqquṭ 1A: Ilinniartitaanermi isumaqatigiissut nalilersorneqassamaarpa?

Akissut: "Ilinniartitaanermi isumaqatigiissut nalilersorneqassamaarpa" Naalakkersuisut ima paasivaat, siunnerfeqaqatigiinnissamut isumaqatigiissut (MoU) taanna iluaqutaanersoq imaluunniit pitsaanerulersinneqarsinnaanersoq misissorneqassasoq. Isumaqatigiissut iluaqutaasimassaaq, tassa ilinniartitaanermut tunngasut pillugit Nunavup aamma Kalaallit Nunaata akornanni arlaleriarluni attaveqartoqartarsimavoq. Assersuutigalugu arlaleriarluni Nunavumit tikeraartoqartarnikuuvoq. Inuit eqimattat Nuummi aqutsisutut ilinniarnermut ilaasut kingullermik tikinnikuupput, naalakkersuisoqarfimmullu pulaartoqarpoq.

***Apeqquṭ 2: Naalakkersuisut ilinniartitaaneq pillugu Canadami naalagaaffik
isumaqatigiissuteqarfiginissaanut pilersaaruteqarpat?***

Akissut: Canada-mik naammaginnartumik suleqateqarnissap pilersinnissaa sulissutigineqarpoq, siunnerfeqaqatigiinnissamut isumaqatigiissut (MoU) nutaaq pisariaqalersinngikkaluarlugu. Ataani akissut itisiliisuusooq takuuk.

Apeqquut 2A: Taamaassappat qanoq?

Akissut: Ataani akissut takuuk.

Apeqquut 2: Taamaangippat sooq?

Akissut: Akissut marlunnut avinneqarsinnaavoq, tassalu Nunavullu siunnerfeqaqatigiinnermut isumaqatigiissut aamma Canada-p naalakkersuisuut siunnerfeqaqatigiinnermut isumaqatigiissut pillugit akissutitut. Siunnerfeqaqatigiinnermut isumaqatigiissut 2022-meersoq, Nunavumik suleqateqarnermut sammititaavoq.

Akissutitut marlunnut atuupput, Kalaallit Nunaata tungaanit isigalugu suleqatigiinneq inuussutissarsiornermik ilinniartitaanernut aamma ingerlaqqiffiusumik ilinniartitaanernut tunngasuusariaqarpoq. Tassami meeqqat atuarfiat ilinniarnertuunngorniartuullu Canada-mi ilusilersugaanerit allarlunnaammat aamma toqqaannartumik naleqqussaaffigineqarsinnaanngimmata.

Nunavumik suleqateqarneq

Nunavut Arctic College (NAC) tassaavoq, Nunavumi inuussutissarsiornermik ingerlaqqiffiusumillu ilinniartitaanernut kisiartaalluni ilinniartuuk. NAC marluinnarnik ingerlaqqiffiusumik ilinniartitaanernik peqarpoq, allat sinneruttut tassaapput inuussutissarsiornermik ilinniartitaanerit aamma piginnaanngorsarluni pikkorissarnerit, maani Majoriami neqeroorutaasartut assigisaat. NAC KTI-mut assersuunneqarsinnaaneruvoq (tuluttut Tech College Greenland-imik taaneqarsinnaasoq) tassa inuussutissarsiornermik ilinniarnernik taanna aallussinerummat. Ilinniarnerit qaffasinnerpaat bachelor-itut qaffasissuseqarput, matumani Kalaallit Nunaanni kandidat-inngorniartuullu Ph.d.-iinngorniartuullu ilinniartitaanernik neqerooruteqarfiusut.

Tamanna tunuliaqutigalugu, Nunavumik isumaqatigiissutip nutarternerani Kalaallit Nunaata angusinnaasai annikillissapput. Tamatuma paarlattuanik Naalakkersuisut isumaqarput, ilinniartuugisinnaanissarput siunertaralugu Nunavup Kalaallit Nunaannut saaffiginninnissaanut ammasariaqarpugut, taamaalilluta isumassarsioqatigiissinnaallutalu ilinniartitaanerit pitsaanerulersinnissaannut ikiorsinnaaniassagatsigit.

Canada-mik suleqateqarneq

Canada-mik qanimut suleqatigiinnerulerneq Kalaallit Nunaata iluaqutigilluarsinnaavaa, pingaartumik ilinniartunik paarlaasseqatigiittarnikkut matumani ilinniartortatta Canada-mut ilinniartittarnerisigut paarlattuanillu. Taamaattumik paarlaasseqatigiittarnissamut ilinniartunut aningaasanik atugassissarnissap pilersinnissaa maanna sulissutigineqarpoq, soorluttaaq siunissami ilinniartitaanerni allani suleqatigiinnissamut periarfissat aamma ilanngunneqarumaartut.

.

Inussiarnersumik inuulluaqqusillunga


Nivi Olsen